

20. *Platymetopus melanarius*.

Oblongus, modice convexus, niger, parum nitidus; palpis apice testaceis; prothorace obsolete, transversim striolato, dorso tenuiter canaliculato, laterum medio rotundato, utrinque ante basin stria brevi, obliqua impresso; elytris striatis, interstitiis alternis latioribus, tertio magis convexo, serie e punctis magnis, remotis impresso. — Long. 12, lat. 5 millim.

Patria: China.

E majoribus. Caput sub-rotundatum, modice convexus, nigrum, sub-nitidum, fere læve, inter oculos utrinque impressum, impressionibus antice linea tenui, transversa conjunctis. Clypeus apice leviter rotundatus, lævis, anguste ferrugineo-marginatus. Palpi nigro-picei, articulo ultimo apice testaceo. Oculi rotundati, modice convexi, glauci. Antennæ nigræ, parce pilosæ, extrorsum pubescentes. Prothorax longitudine nonnihil latior, apice leviter rotundato-emarginatus, basi sub-truncatus vel leviter sinuato-emarginatus, lateribus ante medium modice rotundato-ampliatis, dein basin versus sensim angustatis, angulis anticis et posticis obtusis; superne convexiusculus, niger, sub-nitidus, obsolete, transversim striolatus, dorso longitudinaliter, tenuiter canaliculatus, canalicula antice obsolete, ante basin utrinque canalicula brevi, introrsum nonnihil obliqua impressus et basis medio carina modice elevata instructus. Scutellum triangulare, nigrum, sub-nitidum, læve. Elytra antice sub-truncata, prothoracis basi nonnihil latiora et illo plus duplo longiora, angulo humerali rotundata, lateribus non ampliata, apicem versus sensim angustata, apice singulatim profunde sinuata; superne convexiuscula, nigra, parum nitida, mediocriter striata, interstitiis alternis latioribus, tertio reliquis convexiore, prope striam secundam serie e punctis profundis, antrorsum valde remotis impresso, nono etiam punctis magnis, crebrioribus notato. Corpus subtus nigrum, sub-nitidum, vix punctatum. Pedes nigri, nitidi; tarsis subtus ferrugineo-spongiosis.

21. *Harpalus ignobilis*.

Oblongo-ovatus, modice convexus, nigro-æneus, sub-nitidus; antennis, palpis, tibiis tarsisque rufo-ferrugineis; prothorace brevi, sub-lævi, obsolete canaliculato, basi utrinque leviter, longitudinaliter impresso, angulis parum rotundatis; elytris cupreo-æneis, leviter striatis, interstitiis haud convexis, tertio longe ante apicem puncto impresso. — Long. 9, lat. 4½ millim.

Patria: Nova Hollandia (Sidney).

Caput sub-rotundatum, modice convexus, nigrum, parum æneo-micans, sub-læve, ante oculos leviter, longitudinaliter impressum, apice parum emarginatum. Clypeus apice sub-truncatus. Palpi rufo-testacei. Oculi rotundati, modice convexi, glauci. Antennæ ferrugineæ, parce pilosæ, articulis duobus primis dilutioribus, glabris, reliquis pubescentibus. Prothorax latitudine brevior, apice leviter rotundato-emarginatus, basi truncatus, lateribus tenuiter reflexo-marginatis, pone apicem leviter rotundato-ampliatis, dein basin versus haud angustatis, angulis omnibus rotundatis; superne parum convexus, nigro-æneus, sub-nitidus, fere lævis, dorso tenuiter, longitudinaliter canaliculatus, canalicula utrinque abbreviata, intra apicem transversim, leviter, arcuatim impressus, ante basin utrinque foveola parva, obsolete, oblonga, impunctata notatus. Scutellum triangulare, nigrum, parum nitidum, sub-læve. Elytra antice subtruncata, prothorace parum latiora et illo duplo longiora, angulo humerali obtusa, lateribus recta, apicem versus angustata, singulatim leviter sinuato-emarginata; superne modice convexa, obscure cupreo-ænea, sub-nitida, leviter striata, interstitiis subplanis, lævibus, tertio longe ante apicem prope striam secundam puncto mediocri impresso, nono serie e punctis profundioribus, medio interrupta, notato. Corpus subtus nigro-æneum, sub-nitidum, vix punctatum. Pedes nitidi; femoribus nigro-æneis, vix punctatis; tibiis tarsisque ferrugineis.

22. *Selenophorus insularis*.

Oblongus, modice convexus, supra æneus, nitidus, subtus testaceus; antennis, palpis pedibusque flavo-testaceis; capite rotundato, sub-lævi; prothorace brevi, vix punctato, me-